

O nama

Centar za pružanje pravne pomoći u borbi protiv korupcije je kao projekat otpočeo sa implementacijom u BiH od kraja 2003. godine i aktivan je sve do danas. Predstavlja okosnicu rada Transparency International BiH zbog svoje konzistentnosti i mnogobrojnih slučajeva koje građani prijavljuju na dnevnoj bazi. Do 2011. godine je zaprimljeno preko više od 10 000 ličnih i anonimnih prijava, pritužbi, žalbi, upita, dopisa, zahtjeva od građana i građanki širom teritorije BiH. Sve vjerodostojne prijave su bile prosljeđivane nadležnim institucijama vlasti u BiH (kao što su Inspekcije, Tužilaštva, MUP, CIK, VSTV, SIPA i drugi). Svi upiti su rješavani profesionalno i po njima davani adekvatni savjeti.

Centar se u svom dosadašnjem radu najviše služio Zakonom o slobodi pristupa informacijama u BiH, radi istraživanja slučajeva krivičnih djela protiv službene dužnosti (zloupotrebe službenog položaja ili ovlašćenja, primanje i davanje mita, nesavjestan rad u službi), nepotizma i favorizacije u politici zapošljavanja, kršenja prava iz radnih odnosa, sukoba interesa javnih službenika, nelegalne gradnje, itd.

Kako Vam možemo pomoći?

Centar pomaže građanina u procesuiranju njihovih zahtjeva radi ostvarivanja prava na pristup javnim informacijama, a za koje su građani ostali uskraćeni ili neosnovano odbijeni pred javnim institucijama. Pored toga, Centar pruža besplatnu pravnu pomoć fizičkim i pravnim licima, a koja se sastoji u pružanju pravnih savjeta i opštih informacija o njihovim pravima i obavezama i informiše stranke o korištenju institucionalnih mehanizama koji joj mogu pomoći u ostvarivanju njenih prava i sloboda.

Šta ne radimo?

Centar ne vrši zastupanje stranaka niti se miješa u bilo kojem postupku koji se može voditi ili se vodi pred pravosudnim ili organima uprave u BiH. Centar ne tumači presude donesene u bilo kojem stepenu pred sudovima u BiH, niti može na bilo koji način da utiče na pravosudne organe radi bržeg rješavanja nečijeg predmeta. Centar ne radi administrativne ili druge stvari za koje je isključivo nadležna država i njeni organi.



Ostvarite pristup javnim informacijama!

I FAZA – GRAĐANIN!

Pristup javnim informacijama se daje za pravo svakoj fizičkoj ili pravnoj osobi.

Ukoliko nedostaju neki od navedenih podataka, zahtjev se formuliše u pismenoj (pisanoj) formi.

Podnosilac/podnositelj navodi **lične podatke** (lično ime, adresa, potpis) i **podatke institucije** za koju misli da je nadležna (ime institucije i adresa). U sadržaju se navode podaci o prirodi informacije koju traži, kako bi omogućio javnom organu/tijelu da je pronađe. Ukoliko nedostaje neki od navedenih, zahtjev se šalje na dopunjavanje podnosiocu (slučaj neurednog zahtjeva).

Podnosilac nakon upućivanja zahtjeva javnom organu mora da pazi na rokove utvrđene Zakonom o slobodi pristupa informacijama, kako bi se osigurao u slučaju ne primanja nikakvog odgovora od institucije. Rok za slanje odgovora je 15 dana od dana prijema zahtjeva podnosioca (stoga se preporučuje slanje zahtjeva preporučenom poštom).

II FAZA – INSTITUCIJA!

Javni organ po prijemu Vašeg zahtjeva može da:

- Vrati zahtjev podnosioca, iz razloga što je neuredan.
- Proslijedi instituciji za koju misli da je nadležna, jer je u posjedu tražene informacije.
- Ne uradi ništa – tzv. čutanje administracije.
- Odgovori podnosiocu (time što mu dostavi sve ili djelimične informacije).
- Odbije podnosioca po Zakonom utvrđenim osnovama (Zaštita privatnosti trećeg lica)

III FAZA – PRAVO NA ŽALBU!

Žalba se može podnijeti u situacijama pod Faza II, tačka c. d. i e. Žalba se upućuje organu koji je donio prvostepeno rješenje u postupku traženje informacija, a o žalbi odlučuje drugostepeni organ. Prije podnošenja žalbe, poželjno je istovremeno obavještavanje Ombudsmana BiH.

IV FAZA – POKRETANJE UPRAVNOG SPORA !

Koji je naš cilj?

Da ponudimo alternativni i medijatorni instrument civilnog sektora za saradnju građana i nadležnih javnih institucija. Da informišemo i edukujemo građane o njihovim pravima i saradjujemo sa organima vlasti prilikom procesuiranja slučajeva korupcije na osnovu građanske prijave. Da štitimo indentitet građana koji imaju korisne informacije o bilo kom obliku korupcije. Da dajemo građanima pragmatična i iskustvom poučena rješenja. Da vršimo otvoreni dijalog i monitoring slučajeva sa nadležnim institucijama na lokalnom, entitetskom i državnom nivou radi sistemске i organizovane borbe protiv korupcije u BiH.



OBAVJEŠTENJE!

Ukoliko ste svjedok, žrtva ili zvizdač (osoba koja želi da proslijedi povjerljive i vjerodostojne informacije), korupcije – možete nam se obratiti (lično ili anonimno) putem otvorene, besplatne, telefonske linije na 0800 55555, proslijediti informaciju poštom na adresu Gajeva 2, 78000 Banja Luka ili e-mail na centar@ti-bih.org

U prilogu brošure se nalazi obrazac koji možete popuniti i poslati na našu adresu.

TRANSPARENCY INTERNATIONAL BiH

Vam daje mogućnost da se obratite Centru ukoliko su Vam potrebne informacije za koje niste sigurni kako da ih sami dobijete (pod uslovom da su javne). Takođe Vam nudimo mogućnost da prijavite slučajeve u kojima javni organ nije pravilno postupio po Vašem zahtjevu.



Sadržaj zahtjeva:

Potpis:



Sloboda pristupa informacijama

TRANSPARENCY INTERNATIONAL
BOSNA I HERCEGOVINA

Sjedište:
Gajeva 2, 78000 Banja Luka
Tel: 051 224 520
Fax: 051 216 369

Kancelarija u Sarajevu:
Branilaca Sarajeva 30/2, 71000 Sarajevo
Tel/Fax: 033 220 049

E-mail: centar@ti-bih.org
www.ti-bih.org

**BESPLATNA LINIJA ZA
PRIJAVU SLUCAJEVA
KORUPCIJE**

0800 55555

DFID Department for
International
Development

 **CIVIL
RIGHTS
DEFENDERS**

 **Auswärtiges Amt**

Sav materijal korišten ne podliježe autorskim pravima
Designed by greaterthan4,2011

Zakon o slobodi pristupa informacijama

Promoviše najveći stepen učešća participativne političke kulture, transparentnosti javnih institucija i pospješuje razvoj civilnog društva.

Transparency International BiH koristi Zakon radi ispunjavanja svoje misije u sklopu globalne mreže Transparency International, vodeće organizacije civilnog sektora u borbi protiv korupcije.

Zakonski okvir

U Bosni i Hercegovini postoje tri odvojena Zakona o slobodi pristupa informacijama na nivou BiH, FBiH i RS. Sva tri Zakona su u službenoj upotrebi na nivou entiteta, i na nivou institucija BiH, koji se primjenjuje i za Brčko Distrikt.

Zakon o slobodi pristupa informacijama

Osigurava pravo svim licima da ostvare pristup informacijama koje su u posjedu javnih organa Bosne i Hercegovine i odnosi se na sve javne organe (zakonodavne, izvršne, sudske i upravne). Zakonom su takođe, obuhvaćene i institucije u vlasništvu ili pod kontrolom organa vlasti kao npr. javne ustanove, javna preduzeća, bolnice, škole i univerziteti.

Zakon je Lex Specialis

Što znači da ima prioritet primjene u odnosu na sve druge zakone koji se usvoje nakon donošenja Zakona o slobodi pristupa informacijama, a čija svrha nije izmjena ili dopuna ovog zakona.

Ciljevi ovog Zakona su:

1. da se ustanovi da informacije pod kontrolom javnog organa predstavljaju javno dobro od vrijednosti i da javni pristup ovim informacijama promoviše veću transparentnost i odgovornost tih javnih organa, te da su ove informacije neophodne za demokratski proces;
2. da se ustanovi da svako lice ima pravo pristupa ovim informacijama u najvećoj mogućoj mjeri u skladu sa javnim interesom, te da javni organi imaju odgovarajuću obavezu da objave informacije, i
3. da omogući svakom fizičkom licu da zatraži izmjenu, i daje komentar na svoje lične informacije pod kontrolom javnog organa.

Pošiljalac:

Ime i prezime

Ulica i broj

Opština

e-mail adresa

Sadržaj zahtjeva ispunite na poleđini papira i pošaljite na adresu Transparency International BiH, Gajeva 2, 78000 Banja Luka.

Uputstva za navođenje bitnih informacija sadržaja Vašeg zahtjeva:

Opišite vrstu javne informacije i podatke važne za prepoznavanje iste. Npr. *Potrebno dostaviti kopiju zapisnika sa uviđaja; oglas javnog konkursa, godišnjeg budžeta, itd.*

Navedite koja institucija (ime i adresa) je nadležna za dobijanje tražene informacije.

Navedite da li ste prethodno tražili informaciju od te institucije i ukoliko jeste, navedite datum podnošenja zahtjeva i ukoliko u mogućnosti, kopiju Vašeg zahtjeva.

Imajte na umu da Transparency International BiH može da podnese zahtjev u Vaše ime pod uslovom da su u pitanju javne informacije ili ukoliko Vam je neosnovano odbijen pristup traženim informacijama.

